

Nanortallip Atuarfianut najoqqutassat.

Atuarfiup najoqqutaanik sumiginnaasut suliffimmut tunngasunik oqaloqatigineqartassapput.

Piffissap suliffiusup aaqqissuunneranut najoqqutassat:

- Ilinniartitsisut sapinngisamik immikkoortortamut/ trinumut ataasinnarmut at-taveqarbiassapput. Immikkoortumut inissinneqarneq aalajangerneqarsi-massaaq kingusinnerpaamik 1. april.
- Ukioq atuarfiusooq aggorneqassaaq semesterit sisamanut. Semesterit ni-kittassapput ukiakkut, juullimut, poorskimut aamma aasamut feeriarnermi.
- Tiimit agguaannerat ilinniagassanut klassinullu ataasiakkaanut ilanngull-lejrskolit, ullut aalajangersunik sammisaqarfiit aamma marlunnik ilinniartit-sisoqarfiit naammassisimassapput 1. april. Tiimit agguaannerat suliarine-qassaaq ilaatigut tunngavigalugu immikkoortortat inassuteqarnerat.
- Ukioq atuarfiusussami atorfiit aalajangersarneqarsimassapput kingusin-nerpaamik 1. marts. Atorfiit allagarsiunneqarnerat aamma atorfiit allaase-rineqarnerat saqqummiunneqarsimassaaq kingusinnerpaamik 15. marts. Atorfiit inuttalernerneqarsimassapput 15. april.
- Kingusinnerpaamik 1. april aalajangerneqarsimassaaq, klassit suut klas-sefesteqassasut akunnerillu qassit atorneqassasut.
- Ukiut qinersivinni SU aamma TRinik qinersineq pisassaaq kingusinner-paamik 1. april.
- Kingusinnerpaamik 1. april aalajangiiffigineqarsimassaaq, ilinniagassanut ataatsimiititaliat suut ukioq atuarfiusussami piussasut taakkualu piffissaq qanoq sivilutigisoq atussagaat.
- Kingusinnerpaamik 1. april aalajangersarneqarsimassaaq aaqqissukkat ataatsimoorussat qassiunissaat piffissarlu taakkununga atugassaq.
- Anguniarneqassaaq, kursusernerit tamarmik aalajangerneqarsimanissaat kingusinnerpaamik 1. maj.
- Ilinniagassat agguaannerat naammassiniarneqartassooq maajip 15-a ti-kitsinnagu. Ilinniagassat agguaannerat suliarineqassaaq immikkoortortani naatsorsuutigalugit ilinniagassanut ilisimasaqassuseq kissaatigisallu. Ta-matuma kinguninnguagut inaarsarneqassapput sutitsinissa-mut/suliassanut pilersaarutit ilinniartitsisunut tamanut.
- SU-ataatsimiinnerit, Ilinniartitsilluni perorsaanermut Siunnersuisoqatigiit ataatsimiinneri, Trin-ataatsimiinnerit, Atuarfiup/angajoqqaallu akornanni oqaloqatigiinnerit qasseriartutik pinissaat aalajangerneqarsimassaaq kin-gusinnerpaamik 15. april.

- Ukiumoortumik pilersaarut tunng. atuarfiup ilinniartitsilluni perorsaanermut ingerlataanut PUmī suliarineqassapput.
- Anguniarneqassaaq ilinniartitsisut sulinerat ingerlanneqassasoq piffissap 08 – 16 iluani.
- Sutitsinissamut/suliassanut pilersaarummik naammassillugu suliarineqarsimasumik allannguinerit (1. augustimut) taamaallaat pisinnaapput ilinniartitsisut ataasiakkaat isumaqatigiissuteqarfialugit, aamma pisariaqavissumik pissuteqarpata.
- ”Suliffinnik misiliinermut ilitsersuineq nakkutilliinermullu” piffissaliusaaq ilinniartitsisunut tunniunneqassaaq, klassip misiliineranik piareersaasior-tumut kingornatigullu naliliisumut, sutitsinissamut/suliassanut pilersaarummut ilanngunneqassapput.
- Atuartunut ataasiakkaanut ilinniagaqarnissamut – suliffeqalernissamullu ilitsersuineq klasselærerimit ingerlanneqartassaaq, sutitsinissamut/suliassanut pilersaarummi ilanngunneqartussamik.
- Ukiup atuarfiusup ingerlanerani siumut naatsorsuutigeriinngisamik sulisoqarnikkut allanngortoqassagaluarpat, takkuttarnissamut najoqqutassat sapaatip akunneri 4 sioqqullugu nalunaaruteqaqqaarnikkut allanngortinneqartartussaq, piffissaq annikinnerusoq sioqqullugu allanngortinneqarsinnaavoq.

Najoqqutassat takkuttarnissamut pilersaarutip suliarineqarneranut, takkuttarnissamut pilersaarutip avataagut piffissamik tunniussinermut kiisalu takkuttarnissamut pilersaarutip allannquutaanut:

- Takkuttarnissamut pilersaarut suliarineqassaaq naapertorlugu ”Isumaqatigiissut piffissaq suliffiusoq il.il. pillugu meeqqat atuarfianni ilinniartitsisunut” § 5. Angajoqqaanik ataatsimiititsinerit, atuarfiup/ angerlarsimaffiup oqaloqatigiinneri aamma katerisimaartitsinerit ukiumut 20’riarlutik pismassappata, marlunngorlugit avinneqarsinnaapput sulineqartussanngorlugu 8 – 16 akornanni aamma 19 – 21 akornanni.
- Takkuttarnissamut pilersaarummi aalajangerneqassaaq piffissaq teamataatsimiinnernut (trinteaminut, klasseteam aamma ilinniagassatteaminut).
- Takkuttarnissamut pilersaarut suliarineqassaaq suleqatigiinnikkut immikkoortortat ataasiakkaat aamma atuarfiup pisorta qarfiata qitiusup akornanni.
- Takkuttarnissamut pilersaarutip avataagut piffissamik tunisineq pisassaaq ilinniartitsisut pineqartut isumaqatigalugit.
- Takkuttarnissamut pilersaarummik allannguinerit pisassapput ilinniartitsisut pineqartut isumaqatigalugit pisassallunilu tamanna pillugu malittarissat atuuttut naapertorlugit.

- Aaqqissuussinerit piffissamut allamut nuunnissaat, assersuutigalugu qasujaallisarneq, pisinnaavoq sapaatip akunnerani tullermi ullormi pilersaarutaareersumi, aaqqissuussinerigaluaq silamik peqquteqarluni piviusunn-gorsinnaangippat. Pilersaarusiorgineqaraluartumi nalinginnaasumik atuartitsineq ingerlanneqartassaa.

Init atornegarnerannut najoqqutassat:

- Atuarfik immikkoortortanut aggorneqarpoq, trininullu pingasuusunut tamanut init naammaginaruunissaat qularnaarneqassaaq.
- Atuarfiup pisortaarfianit qitiusumit qularnaarneqassaaq periarfissaqar-nissaq immikkoortortat "inniminniinissaannut" ininik ilinniagassanut ilin-niartitsiviusunik ingerlaturanut pilersaarutigisanut sulissanullu takkussortu-nut.

Najoqqutassat tunng. piffissat ilinniartitsisunik naapitsisarfiinnut nal. 8 – 16'inillu avataaniittunut:

- Ilinniartitsisunik naapitsisinnaaffik nalinginnaasoq tassaavoq piffissaq 8 – 16.
- Ilinniartitsisut atassuteqarfigineqarunik atuarfimmit, angajoqqaanit ima-luunniit atuartunit atuarfiup sulisarfiata nalinginnaasup avataagut, naliler-sortariaqarpaat, suliasaq kinguartinneqarsinnaanngitsuunersoq imaluun-niit isumaqatigiissutigineqassanersoq aqaguani piffissaq atuarfiup sulisar-fiata nalinginnaasup iluaniittoq.

Najoqqutassat ilinniartitsisut nutaanik tikilluaqqusinermut pulajartuaartit-sinermullu:

- Ilinniartitsisut tikerlaat tamarmik ukioq atuarfiusoq siulleq attaveqartinne-qassapput ilinniartitsisooreersumut", tamatumunngalu piffissamik tunine-qassapput. Kina attaveqaataasanersoq atuarfiup aqutsisuata ilisaritittas-savaa.
- Sananeqassaaq mappi paasissutissanik pingaarnerpaanik tamanik, nu-taap atorfissaqartitaanik, imaqartoq:
 - 1) Takkuttarnissamut pilersaarut, ukiumoortumik pilersaarut aamma feeriarnissamut pilersaarut.
 - 2) Inatsisit malittarisassallu.

- 3) Trininut ataasiakkaanut suleqataasut nalunaarsorsimaffiat (assit allaaserinerallu).
- 4) Malittarisassat tunng. napparsimalluni nalunaarnermut aamma ajorunnaarluni nalunaarnermut.
- 5) Atorfiit allaaserineqarnerat aamma inunnik pineqartunik ilisisarititsinerit.
- 6) IMAK – ileqqoreqqusat, feeriarnissamut aningaasaateqarfik aamma isumaqatigiissutit.
- 7) Ilinniartitsisut nutaat piaarluni "klassinut ajornartorsiutaasunut" ukioq siulleq ilinniartitsisunngortinneqassanngillat.

Najoqqutassaq sulisut isumagineqarnissaannut:

- Ilinniartitsisoq kinaluunniit ukiumut ataasiarluni neqeroorfigineqartassaaq peqataassallunilu suliqatigiit ineriartortinneqarneranni oqaloqatigiinnermi.
- Suleqataasut tamarmik periarfissaqartitaapput ilinniakkamik nangitsinissamut
Ilinniaqqinnissamullu, atuarfiup tamanna pisinnaatippagu (trinnit nas-suiassavaat suut pisariaqartinneqarnerisut).
- Suleqataasut tamarmik periarfissaqartitaapput ulluni skemaqarfiusus-saanngit-sunik isumaqatigiinniuteqarnissamut teknikkikkut aamma atuarfiup ingerlarnga-ta pisinnaatippagu.

Nanortallip Atuarfiani ilinniartitsisup akissarsiani pigiinnarlugit sulinnqif-feqarniarnerani malitassatut najoqqutassat.

- Meeqqap napparsimanerani ulloq siulleq akissarsiaqaannarluni sulinnqiffigineqarsinnaavoq, tassani allatut aaqqiisuteqarnissaaq anguneqarsimanngippat.
- Akunnaatsumik inuuissiorluni ulloq taannarpia nalliuttorsiornermi imaluun-nit naliuttorsiornerup aqaguani tiguneqarsinnaasumik. (Taamalu pisoqar-nissaa upernaakkut ukiup atuafiusup tulliuttup pilersaarusionerani ata-sumik nalunaarutigineqartassaaq).
- Ukiut 25-nngortorsiorlugit katiffissiornermi aqaguaniluunniit (aamma ta-manna upernaakkut ukiup tulliuttup pilersaarusionerani nalunaarutigine-qassaaq).
- Ataatsimiinnermut atasumik, pikkorissarnermut atasumik, censoritut suli-nermi
allanilu atorfilittut ulluni suliasaqarfiusuni.
- Innuttaast qinigaatut sulinermi aamma allani innuttaasunik sullissinermi tamakkiisumik akissarsiassaqarfiunngitsuni.

- Ilaquttap qaniginerpaasap ernumanartumik napparsimanerani toqusoqarneranilu, tassani maleruagassat tassunga atuuttut najoqqutaralugit.
- Atorfininniarluni qinnuteqarnermi atorfininniarneq pillugu oqaloqatigineqarnissamik atorfiniffiginiakkap allakkatigut aggersaanera takussutissineqarsinnaappat.
- Napparsimaruluttumik qaniuinissaq pisariaqartinneqarpas, meerarisap suli ukiukitsup pisariaqartumik nakorsanit misissortittariaqarnerani imaluunniit suliaritikkasuartaqarnerani Peqqinnisami Oqartussaasut kissaatigisaat tunngavigalugu angalaqataasariaqalernermi. Napparsimasulli sivisunerumik katsorsartariaqarnerani akissarsiat tigummiinnarlugit sulinngiffeqarnissaq akuerineqarsinnaavoq napparsimasumik angalaqataanermi ornitassap utimullu angalanissap sivisussusaa sippornagu.
- Suliassani allani ilinniartitsisup peqataaffiginngitsoorfigisinnaanngisaani inatsisit atuuttut allat najoqqutaralugit peqataaffigisariaqagaani suliaqarnis-sami, suliassami akissarsiassat tamakkiisut qulakkeerneqareersimangik-kaangata.

Akissarsiassaqarani sulinngiffeqarsinnaanermi malitassatut najoqqutasat:

- Meeqqap napparsimanerani ullup siulliup avataatigut sulinngiffeqartariaqalermi tassani napparsimasup qimanneqartariaqarnissaa illersorneqarsinnaanngitsutut nalilerneqarpas.
- Meeqqap angusaqarluni allagartartaarnerani najuunissami.
- Ataatsimeeqqataaffiusariaqartuni suliaqarfinni Innuttaasutut pisussaaffigiliga-affiusuni peqataanissani, tassani atorfillip Inatsisartut imaluunniit kommunal-bestyrelsip toqqaasimanera tunngaviussalluni.
- Atorfeqartup suliassani allani, inatsisit allat atuuttut tunngavigalugit peqataaffigisariaqagaani akissarsiassat tmakkiisut isumannaarneqarsimgaangata.
- Timersornermik ingerlataqartut, suniusaasutut suliallip allanilu timersoqatigiinni ingiallortitut peqataasariaqarfiinni peqataanermi, soorlu unammersuarnerni nuna tamakkerlugu peqataaffigineqartuni imaluunniit nunat tamalaat unammersuarnerani peqataaffigisariaqartuni, timersortartut unammiaarnerini nunani allani ingerlanneqartuni tassa unammersuarnerunngitsuni timersornikkullu nalinginnaanngitsuni ingerlanneqartuni peqataanissami. Tamanna ukiumut ataasiaannarluni pisinnaavoq.
- Ukiumoortumik ataatsimeersuarnermi peqataaniarnermi, ataatsimeersuarnermi,

suliffillit sinniisaasa ingerlatassaani peqataanissami, assigisaanilu, nammineq soqutigisat najoqqutaralugit nuna tamakkerlugu nunallu tamalaat ataatsimeer-suarnisani ataatsimeeqqaataanissami peqataanissami.

- Aapparisaq, nuliap uiulluunniit, sulinngiffeqarnissaa nalerorlu sulinngiffeqarni-
arnermi, makkua isummerfiginninnissami tunngaviussammata:
 1. Aapparisaq suliffeqarfiata sulisunni peqqusimassavai sulinngiffissatik atuarunnaarallaaffiup avataani ingerlatissagaat.
 2. Aappariit suliffeqarnissatik najukkami (illoqarfigisami) avataani – il-
lugillutik – ingerlatissagaat.

Nanortallip Atuarfiani ilinniartitsisut suliffimminni suleqatigiinneranni periaasiususaaq:

- Ilinniartitsisoq kinaluunniit ilinniartitsisoqatiminik inuttut inuunerisani sulianiluunniit pillugu oqaloqateqarnissaminik kissaateqarpat, taakkua marluk akornanni qaqugu naappeqatigiinnissaaq isumaqatigiissutigineqassaaq. Oqaloqatigiittussat pisariaqartitsinertik naappertorlugu ”oqaloqatigisartagassatut toqqarsimasartik” oqaloqatigiinnissami peqatiginissaanut pisinnaatitaaffeqarpoq. Ilinniartitsisut arlaannaaluunniit pisussaaffeqanngilaq ataatsimeeqqatiseriniarneqarnerminut akuersissalluni. (Tassa imaappoq akuerineqarsinnaanngilaq ilinniartitsisup arlaannaataluunniit ilinniartitsisoqatit atuartulluunniit tusaatillugit atorfileqatip sulineranut tunngasumik isorinnissalluni).
- (Upalungaarsimaffigisariaqarporlu tamatta tatisimaneqalersutut misigisimanitta nalaani oqaatsinik tulluavinngitsunik anitsisinnaanerput, taamalu pisoqartillugu naammagittarsinnaaneq misikkarinnerlu ersersinniagassaapput).
- Atuarfimmi atuartup ilinniartitsisusullu akornanni isumatigiikkunnaartoqartillugu, tamatigit ilinniartitsisup allap atuarfiup aqutsisuatalu ilinniartitsisoq atuartut tusaatillugit tapersersortussaavaa.
- Periartaaseq iluatsinnartoq tassaavoq immikkoortortaqaqarfiup ataatsimiittarnerinut oqaluserisassanut aalajangersimasunut ilanngutissallugu immikkoortortaq taaguutilik: Isorinninneq

nersualaarinerlu” uanilu ileqquliunneqartariaqarpoq isorinninnerup siumut isigisuullunilu anguniagassanik tikkuartuisuunissaa.

- Ilinniartitsisoq kinaluunniit qaqugukkulluunniit aniatitsinissaminik pisariaqartitsisoq suleqatinut ikorfartorisassatut toqqarsimasaminut saaffiginnissinnaavoq oqaloqatiginninniarluni, soorlumi aamma periarfissaasoq tatigisaalluni sinniisumut qaqugukkulluunniit saaffiginnissinnaaneq.
- Itinerusumilli isumatigiinnginneqalersillugu atuarfiup pisortaa tatigisaallunilu sinniisoq piaarnerpaamik saaffigineqartariaqarpoq.
- Atuartoq/atuartut pillugit ajornartorsiuteqaraani taava tamanna klassimi nakkutilliisumut saaffigin-nissutigineqartariaqarpoq.

Najoqutassat ilinniartitsisut atuartullu / angajoqqaallu isumaqatigiikkunnaarnerini atuarfiup aqutsisuata atugassai:

- Ilinniartitsisut angajoqqaallu akunnerminni isumaqatigiikkunnaaraluarpata atuarfiup aqutsisuata pisoq misissorluaqqaarlugu qanoq suliarineqassanersoq aalajangiivigissavaa.

Najoqutassat ajornartoornermi piareersimanissamut tunngasut:

- Atuarfik pisussaavoq suliarissallugu ajornartoornermi sillimanissamut mappi, allaffimmi saqqumisussaq aamma trinini tamani kiisalu TR-tatigisatut sinniisumi.
- Pilersinneqassaaq ajornartoornermi sillimanissamut gruppitut suleqatigiissitaq sisamanik namminneq piumassutsiminnik ikiuuttussatut piareersimasussanik (soorlu inunnik peqataasimasunik aliasunnermut kursusimi, isumattorsarnermi il.il.).
- Suliarineqassaaq qarasaasiat atorlugit atassuteqaqatigiinnermut pilersaarut atuarfimmi sulisunut, peqassalluni ajornartoornermi tamarmik saaffiginninnaasaannik inunnik marlunnik.
- Toqusoqartillugu imaluunniit allamik ilungersunartumik ilinniartitsisut atuartulluunniit akornanni ajutoorneqartillugu atuarfiup pisortaata aggersassavaa ajutoornek sillimanissamut gruppitut suleqatigiissitaq isumaqatigiissuteqarfugalugillu, qanoq iliorluni takkuttarnissamut pilersaarutip

avataagut piffissamik immikkoortitsineqassasoq ajutoornermi sulinermit atugassamik, isumaqatigiissutigineqassaarlu, suliassaq kia sularissagaa.

- Pisortaqarfiup suleqataasut attuumassuteqartut tamaasa piaarnerpaamik katersussavai ilisimatillugillu.
- Pisortaqarfiup sapinngisamik sukkanerpaamik katersussavai atuartut tamaasa ilisimatillugillu, oqalulluni allassimasunngorlugulu.
- Nakuuserneq nakuuserfiginninnissamillu siorasaarineq aaqqissuussinermit tassunga ilaapput.

Najoqqutassat tunng. nakkutilliinermut unikkallarnernullu:

- Piffissaq suliffiusoq pillugu isumaqatigiissut nutaaq malillugu akunnerit 214 atugassaapput nakkutilliinermut aamma unikkallarnernut ilinniartitsisunut tamakkiisumik tiimeqarlutik sulisunut tamanut.
- Tiimit/modulit aamma unikkallarnerit, pausit, immikkoortortani aalajangerneqassapput.
- Nakkutilliineq agguanneqassaaq assigiimmik trinip ilinniartitsisuisa akornanni (tunng. ullup ilaanna atorfeqartitanut aamma pisortanut ilinniartitsinermik ingerlataqartunut naatsorsuutigalugu nakkutilliinermut unikkallarnernullu piffissaq tunniunneqartoq), immikkoortortallu akisussaaffigaa, atuartunik nakkutilliinerup illersorneqarsinnaasuunissaa.

Najoqqutassat angerlarsimaffinnut nalunaaruteqartarnermut:

- Allattorsimaffik sananeqassaaq akisussaassutsip agguataarneranut angerlarsimaffinnut nalunaaruteqartarnermut. Sularineqassaaq pisortaqarfimmit immikkoortortani pisortat ilanngullugit.
- Nalunaarsuutip imarissavaa klasselærerit, immikkoortortani pisortat aamma allaffiup akornanni suliassat agguataarnerat erseqqissoq.
- Nalunaarutit tamarmik aaqqissuussat pinissat sap. akunnera ataatsimik sioqqullugu nassiunneqarneqartassapput.

Najoqqutassat imigassamut politikkeqarnermut:

- Atorfeqartitaq kinaluunniit suliffimmini, ilanngunnagu aaqqissuussani imikkut ittuni, imigassartussanngilaq imaluunniit imigassartorsimasutut tipeqassanngilaq piffissami suliffiusumi.
- Ilinniartitsisoq kinaluunniit angajoqqaanut saaffiginnissanngilaq imigassamik najorsinerup kingornagut.

- Atorfeqartitaq kinaluunniit pisussaavoq saaffiginninnissamut atorfeqartitamut allamut ikiuinissaq neqeroorutigalugu, pasinarpat, pineqartoq imigassartornikkut ajornartorsiuteqartoq.
- Atuarfiup suliarissavai najoqqutassat erseqqissut, ikiorneqarneq suna atorfeqartitap ilimagisinnaagaa imigassamik ajornartorsiuteqartoqartillugu. Najoqqutassat taakku suliarineqassapput.

Skoleinspektør ip atorfiata allaaserineqarnera:

- Sulisorisanik aqutsineq – tassunga ilanngullugu ”Sulisorisap sulisutut inuttullu ineiartornissaa pillugu” oqaloqatiginnittarnerit.
- Nunaqarfinni atuarfiit.
- Pisortaqaqfiup aningaasaqarnikkut aqunneqanera.
- Kulturimut atuarfeqarnermilu kommunalbestyrelsip ataatsimiittitaliaani allattitut sulineq.
- Ulluinnarni pisortaqatigiit aqunneqarnerat.
- Skemaliortuuneq.
- Atuarfiup siulersortuata allattua

Viceskoleinspektør ip atorfiata allaaserineqarnera:

- Atortusnik inniminniinerit.
- Kollgiamut kollegiamilu najugaqartunut tunngasut.
- Misilitsittarnerit aamma sungiusaataasumik misilitsittarnerit ingerlannerat.
- Atuarfiup kollegiallu illutaasa aserfallatsaaliorneqarnissaasa isumaginis-saat.
- Atuarfik tamakkerlugu pisartut takkuttartut aqutisuuffiginissaat.
- Napparsimasoqartillugu peqqissinermillu nalunaaruteqartoqartillugu ullaakkut skemap ullormut atuutussap inissinnissaa saqqummersinnissaalu naammassissallugu, suliassallu allat ilanngullugit.

Immikkoortortani pisortat atorfiata allaaserineqarnerat:

- Immikkoortortaqaqarfimmi tamarmiulluni ataatsimiinnerit aqussallugit.
- Ilinniartitsisut ”akissarsiat” allagartaani isumaqatigiissutigineqarsimasutut annertutigisumik tiimiminnik naammassinninnissaat ulluinnarni nakkutigis-sallugu.

- Akisussaaffigalugu pisussaaffigaa nammineq skemarisat pillugit allanguisoqarnissaanik kissaatigisat pisortamut apuutissallugit, atuartitsinerup eqaatsumik ingerlajuarnissaa siunertaralugu.
- Immikkoortortami ulluinnarni sulinerup aqunneqarnera ingerlatissallugu aamma tassunga atatillugu anitsiarfinni nakkutilliisoqarnerup isumannaatsumik ingerlanissaa.
- Akisussaaffigai immikkoortortaqaarfimmi atortussanik inniminniinerit ataqatigiissillugillu piviusunngortinnissai.

Atuarfiup Siunersorti atorfiata allaaserineqarnera:

- Atuarfiup Siunersorti taamatut sulinermini qaqugumulluunniit atavoq aalajangersakkanut suliassallu allaaserineqarnerannut kaajallaasitami allasimasumut.
- Piffissap suliambut atatillugu tunniunneqartup affaa skemaliuunneqarsinnaavoq.
- Atuarfiup Siunersortip aammattaaq suliarissavaa:
 1. Klassimi nakuutillisoq peqatigalugu siunnersussallugit isumattorsassallugillu ilinniartitsisut tunng. ataasiakkaarilluni inuutissarsiuutinik ilitser-suinermut aamma ilinniagassamik qinersinermut klassini annerni.
 2. Suleqataassalluni siunnersuinermut atuartunik angajoqqaanillu suleqatigalugit klasselæreri immikkoortortamilu pisortaq.
 3. Paasisitsiniaalluni ataatsimiititsinerit qulequttanik tulluurtunik qulequtaqarluni soorlu efterskolit pillugit aamma annerusumik ilinniagaqarneq.
 4. Naammaginartumik annertussusilimmik suleqataassaaq angajoqqaanik ataatsimiititsinerni suliaminut tunngasutigut.
 5. Klasselæreri ilitersussavaa atuartut ataasiakkaat tamaasa immikkut peqatigalugit suliarinnissinnaanissaannut qanoq iliuusissanut pilersaarutinik klassini atuarfimmik qimatsisussani tamani.

Immikkut ilinniartitsinermut rådgivningslærerip (siunnersuisartup) atorfiata allaaserineqarnera.

Siunnersortip nalinginnaasumik suliassami saniatigut atuarfiup iluani suliassai makkuupput:

- Siunnersortip suliassaraa immikkut atuartitsinerimi ilinniartitsisut pilersaarusioneranni ikiussallugit.

- Siunnersortip suliassaraa immikut atuartitsisartut ukiup ingerlanerani naapittarnissaasa nakkutiginnissaat, kiisalu naapittarnerni ataqatigiisaarisuullunilu siunnersuisuunissaq (Tassani pineqarlutik planlægning- og behandlingsmøder).

Atualerlaanik attaveqaap sulinerani najoqqutassat:

Attaveqaat aalajangersakkat maleruassallugit sulisitaavoq aamma suliassat sulihamut attuumassuteqartut naammassineqarnissaat atorfeqartoq kaajallisit sulihamut tunngatillugu ilanngullugu.

- Attaveqaat suliffeqartup siunnersortagassarai / kajumilersinniagassaralugillu iliniartitsisut atualerlaat atuarfianni sulisut aamma atuartuunerup aallartinnerata pingaaruteqarnera eqqumaffigineqaqqullugu.
- Attaveqaat suliassaraa meeqqerivimmiit atuarfimmuut ikaarsaernerup oqitsutut misigisimaneqarnissaa anguniarlugu iliuusissanik aallarniisalluni pilersitsissallunilu.
- Attaveqaat suliassaraa klassit siulliani atualersussat nalunaarsorneqarnissaat / allatsinnissaat.

Atuarfimmik pitsaassutsimik ineriartortitsisut / Atuarfimmik ineriartortitsisut atorfiisa allaaserineqarneri.

Pitsaassutsimik ineriartortitsisoq/Atuarfimmik ineriartortitsisoq (KS) ukioq ataseq atuarsimassaaq Simon Fraser University-mi, BC, Canada assigisaaniluunniit.

Taassuma pisinnaaffigissavai Atuarfitsialaap anguniagai tunngavigalugit iliniarnermi isumassarsiat eqqarsaatillu imaritinneqartut ilaasa ilanngunneqarnissaat aamma ingerlateqqinnissaat: portfolie, atuartup nammineq naliliinera, atuartut qitiutillugit atuartitsineq, atuartut/angajoqqaat/ilinniartitsisut ataatsimeersuarnerat, atuartitseriaatsit nutaat atorluarsinnaanerusullu (soorlu bogcirkler, uv. Piginnaasat ineriartortinneri il.il.)

Tassunga saniatigut classroom-manegementimut atasutut sammisassat soorlu klassep pequtsersornera, inooqatigiinnermi akisussaassuseq, Buddy-classes, ilinniarnissamut akisussaaneq il.il.

Taanna pikkorissartitsisinnaasassaaq ilinniartitsisunilluunniit ataasiakkaanik siunner-suilluni, aamma klasseni co-teaching atorlugu.

Ilalernerqarpoq klasset ataasiakkaat sivisunerusumik malittarineqartarnissaat.

Najoqqutassat ajornartoornermi piareersimanissamut tunngasut:

Atuarfiit atuakkanik atorniartarfiini atorniartitsisartut atorfiata allaaserineqarnerat.

Ataanni pineqartut inuttalersorlugillu ajunngitsumik sulinissaat alaatinaallugit.

- Atuarfimmi atorniartitsisup ikiortaa: Inerisaavik ilinniartitsisullu inaat.
- Atuarfimmi atuakkanik atorniartitsisog: Nunaqarfinni atorniartarfiit attaveqarfiginissaat, atuartut atuakkanik atorniartarfimmik atuinissaannik ilinniartitsineq, ilinniartitsisut atuagaasiviata alaatinaannissaa, ilinniartitsisut inaanni tidsskriftit, ullut ammaffiit tamaasa statestikimik anisitsisarnissaq, atuartunut atorniartussanut skemaliorneq atuakkanillu pisiniartarneq. Inersimasunut tidsskriftinik pisisarneq, aviiseqarneq, atuakkat allallu pisiat akilernissaat, nalunaarutinik saqqummiisarneq inuusuttuaqqanillu atuakkanik ilioraasussanik peqarnissaq.
- Inersimasut atorniartitsisartoq: Innuttaasunut attaveqarneq, atorniartitsineq, statestikip anisinnissaa naatsorsornissaalu.
- Tamatta: Atuartut atorniartillugit, ulluinnarni suliassat suliaralugit, ilinniartitsisunik attaveqarneq, atuakkat nutaat ilanngussorlugit, klassesættinik pisiniarneq atuartunillu atorniartitsiviup qanoq atornissaanik ilinniartitsineq statestikilu.

Jens Korneliusen, 14.03.08

Paul Raahauge, 14.03.08